

Ugovorne strane:

**MINISTARSTVO UNUTRAŠNJIH POSLOVA KANTONA SARAJEVO**, Sarajevo ul. La Benevolencije broj 16, IDB/JIB: 4200220350006, koje zastupa ministar Admir Katica (daljem tekstu: Kupac) i

**SIECOM d.o.o. Sarajevo**, Marka Marulića broj 2, Sarajevo, ID broj: 4201170100000, koje zastupa, direktor Irma Osim (u daljem tekstu: Prodavac)

## **PREDMET UGOVORA**

### **Član 1.**

Predmet ugovora je nabavka usluga popravke neispravnih modula na sistemu Open Scape 4000 V10 za potrebe Ministarstva unutrašnjih poslova Kantona Sarajevo.

Ugovor se zaključuje u skladu sa uslovima iz Tenderske dokumentacije i ponudom Prodavca broj SC231207/109.1 od 07.12.2023. godine koja je sastavni dio ovog Ugovora.

Nabavka je izvršena putem konkurentskog zahtjeva za dostavu ponuda na osnovu Odluke broj 01-11-4-5880 od 15.11.2023.g. godine i prema Obavještenju o nabavci broj 1364-7-2-64-3-75/23 od 26.11.2023. godine.

## **CIJENA**

### **Član 2.**

Cijena za usluge iz člana 1. ovog Ugovora, iznosi 17.000,00 KM bez PDV-a (sedamnaesthiljada i 00/100 KM)

U cijenu nije uključen PDV odnosno ukupna vrijednost ugovora sa uračunatim PDV-om iznosi 19.890,00 KM, (devetnaesthiljadaosamstotinadevedeset i 00/100 KM).

Ugovorena cijena uključuje, pored navedenog i sve zavisne troškove.

## **NAČIN PLAĆANJA**

### **Član 3.**

Kupac će Prodavcu izvršiti plaćanje ugovorene vrijednosti iz člana 2. ovog Ugovora, u roku od 30 dana od dana izvršenja usluge i dostavljanja fakture.

Prodavac se obavezuje na nepromjenjivost ponuđenih cijena tokom cijelog ugovorenog perioda i da će pod istim uslovima u periodu trajanja ovog ugovora izvršiti usluge iz člana 1. ovog Ugovora, za potrebe Ministarstva unutrašnjih poslova Kantona Sarajevo,

## **ROK IZVRŠENJA UGOVORA**

### **Član 4.**

Prodavac se obavezuje da će ugovorenu uslugu izvršiti u roku do 15 dana od dana od zaprimanja Narudžbenice u skladu sa Predračunom koji je Prodavac dužan odmah dostaviti na zahtjev Kupca.

Sve troškove izvršenja usluge do primopredaje, kao i troškove reklamacije snosi Prodavac. Usluga će biti izvršena, na adresi Kupca, La Benevolencije 16, Sarajevo.

U slučaju osnovanih primjedbi na ispunjenje ugovorenih obaveza, Prodavac je dužan da o svom trošku sve uočene nedostatke otkloni u što kraćem roku.

### **Član 5.**

Ugovorena usluga uključuje:

- Usluga uključuje uslugu popravke neispravnih modula
- Programiranje i puštanje u rad na sistemu Open Scape 4000 V10
- Ponovnu uspostavu mrežnih pravaca prema sistemima Open Scape 4000 V10 – Open Scape Bussines na lokacijama MUP-a KS i
- Testiranje rada modula i mreže.

Ovlaštena osoba Prodavca je obavezna ovlaštenoj osobi ispred Kupca dostaviti radni nalog za izvršene usluge u dva primjerka, koji je uredno ovjeren i potpisan od strane ovlaštene osobe Prodavca.

Po izvršenju usluge radni nalog potpisuje i ovlaštena osoba Kupca, zadužena za ovjeru izvršene usluge. Ukoliko lice zaduženo za ovjeru izvršene usluge konstatuje određene nedostatke, sačiniti će zapisnik o reklamaciji, koji Kupac dostavlja Prodavcu.

Sve primjedbe na izvršenu uslugu će biti konstatovane u zapisniku.

#### Član 6.

Prodavac se obavezuje priznati reklamaciju, koja će biti proračunata zapisnikom o reklamaciji, uz obavezno navođenje nedostataka izvršene usluge i datuma i broja računa (Radnog naloga) Prodavca kako bi se zadovoljili uslovi reklamacijskog roka.

U slučaju osnovanih primjedbi na ispunjenje ugovoreni obaveza Prodavca, konstatovanih u zapisniku o reklamaciji, Prodavac je dužan da o svom trošku učini sve da te nedostatke otkloni u što kraćem roku, koji će mu u zapisniku odrediti Kupac.

Usluga će se smatrati uredno izvršenom tek kada u zapisniku o prijemu izvršenih usluga bude konstatovano da nije bilo primjedbi.

### GARANTNI ROK

#### Član 7.

Prodavac daje garanciju na isporučenu robu od 12 mjeseci od dana izvršenja usluge.

### ODGOVORNOST I VIŠA SILA

#### Član 8.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u ugovoru i koji nisu mogli biti spriječeni od strane pogođene višom silom. Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u ugovoru pogođena višom silom odmah će u pisanoj formi obaavijestiti drugu stranu o nastanku nepredviđenih okolnosti odgovarajuće dokaze. Prodavac se obavezuje da će usluge pružati u skladu sa zahtjevom Kupca i da će odmah postupiti po eventualnim primjedbama Kupac u pogledu nedostataka na ime kvaliteta izvršene usluge.

Kupac je dužan dostaviti pismeno obavještenje o svakom propustu Prodavca.

Kupac će utvrditi razuman rok za ispravak propusta Prodavca u smislu izvršene isporuke.

#### Član 9.

Prodavac nema pravo da zapošljava, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje 6 mjeseci po zaključenju ugovora, odnosno od početka realizacije ugovora.

#### Član 10.

Ugovorne strane su se sporazumjele da će sve eventualne nejasnoće nastale u toku realizacije ugovora rješavati sporazumno.

U slučaju nemogućnosti sporazumnog rješavanja eventualnih sporova konačno rješenje će donositi nadležni sud u BiH.

**Član 11.**

Ugovor stupa na snagu danom potpisivanja obje ugovorne strane, a traje do konačne realizacije.

**Član 12.**

Ovaj ugovor sačinjen je u 4 (četiri) istovjetna primjeraka, od kojih po 2 (dva) primjerka zadržava svaka od ugovornih strana.

**DOBAVLJAČ**  
SIECOM d.o.o., Sarajevo



\_\_\_\_\_  
direktor, Irma Osim

Broj: 1/541/429/12-23  
Datum: 26.12.2023



**UGOVORNI ORGAN**  
**PRVI DEJELNIK UNUTRAŠNJIH POSLOVA**  
**OPĆINA SARAJEVO**

\_\_\_\_\_  
mjesto: AdmiraKatica

Broj: 01-1-11-4-5880-5  
Datum: 18.12.2023. godine